

եօթն թիւ խառնելով ընդ ձեզ զՊատրիարքն 'ի վնաս Նորին սրբազնութեան և 'ի ձեր հանգստութիւն. գրեցէք ինչ զոր կամիք զվէնջ 'ի Կոստանդինուպօլիս ըստ հաճոյից ձերոց, դուք գիտասջիք, միայն թէ բառնալ 'ի միջոյ զխարդախն և զխարդախամիտն ըստ ներքնոյն և ըստ արտաքնոյն գործադրութեան. թէպէտ ինքն միշտ Զանայ գաղել եւ երդմամբ զինքն արդարացուցանել: Միթէ չգիտէի՞, միթէ ո՞չ գիտացի որ գործեցաւն եւ որ գործելոցն էր, եթէ մնայի յայդր, բայց պարտաւոր լիցի որ եղև պատճառ նորին համարձակութեան: Շատ քաջութիւն Աթոռայնոցդ մեծաց եւ փոքունց, եթէ յայտհետէ անվնաս և հանդարտ մնացցէք, որքան երկօքին դոքա ըստ առաջնոյն վարեցին, զորոց երբեմն ճաշակեցաք զպտուղ եւ արդ խկ: Զայսքանս վասն այնորիկ գրեցի առ եղբայրութիւն ձեր, զի և դուք վկայիցէք թէ գիտեմ եւ լռեմ»: Եւ ապա թախանձանօք խնդրէ զ10,000 դահեկանն զոր պայմանաւ տուեալ էր յառաջագոյն Աթոռոյն, առնուլ զշահ նորին 'ի տարին 1000 դահեկան, և զկնի մահուան իւրոյ մայր դումարն մնալ Ս. Աթոռոյն. այժմ խնդրէր միայն զ10 տարեկան շահ 10,000 դահեկան, և զմայր դումարն թողոյր դարձեալ ըստ կտակին իւրոյ Աթոռոյն, և աղաչէր սիրով կատարել զայս խնդիր իւր, զի մի վերջտախն ճագեացի ատելութիւն, և ինքն խոստանայր կատարել զգործ Աթոռոյն եթէ ծանուցեն:

Գրեաց և առ Կիրակոս եպիսկոպոս մտերիմ բարեկամ իւր, և խնդրէր առաքել զգոյս իւր զոր թողեալ էր յնրուսաղէմ, 'ի Կիպրոս, 'ի Զմիւռին և 'ի Կոստանդինուպօլիս, յորոց զմանա ընկալեալ էր ինքն 'ի Պերութ ընդ դոյից նորին (1824. 'ի 1 Ապրիլի): Գրեաց առ նա Կիրակոս եպիսկոպոս զիր յանդիմանութեան և մեղադրանաց, որում պատասխանէ այսպէս. «Աստուած և զքեզ ազատեցէ յանել որոգայթէդ. ոչ ուրացայ զհաւատս, ոչ փոփոխեցի զկրօնս, ոչ 'ի բաց թողի զկարգս, ոչ լքի զաստիճանս, ոչ արհամարեցի զվէքիլութիւն Տէրութեանն քրիստոնէի. այլ սովիմբ պաշտօնիւ վէքիլութեան քրիստոնէի Մեծի Տէրութեան նախորդութանու առաւել համարձակութեամբ պաշտեմ և յարգեմ զամենայնն. երանի որ ոչ գայթակ-